

Sedmična kolumna visokog predstavnika

Reforma poslovnog sektora osigurat će radna mjesta


Zahvaljujući novom sistemu registracije preduzeća, svaki građanin imat će pristup ključnim informacijama o svakoj firmi

Trojici premijera i britanskome ambasadoru sljedećeg četvrtka pridružit će se u Općinskom sudu Sarajevo, gdje će nam predsjednik Suda formalno prezentirati novi sistem registracije preduzeća u Bosni i Hercegovini. Ubuduće će biti potrebno samo pet dana da se bilo gdje u BiH registira preduzeće.

Radikalna i sveobuhvatna reforma sistema registracije preduzeća koju finansira Odjel za međunarodni razvoj Velike Britanije je važna, i to, prije svega, jer preduzeća otvaraju nova radna mjesta. Čim potrebne izmjene i dopune budu objavljene u „Službenim novinama FBiH“ i „Službenom glasniku RS“, u BiH će biti jednostavnije osnovati preduzeće i, prema tome, osigurati nova radna mjesta.

Baza podataka

Novi sistem obuhvata i kreiranje kompjuterske mreže za cijelu BiH, koja je dovoljno sofisticirana da može održavati bazu podataka svih registriranih predu-



Piše:

Kristijan ŠVARC-ŠILING

zeća u zemlji, u kojoj su uneseni podaci odmah dostupni.

Na osnovu toga, od sljedeće sedmice svaki građanin imat će pristup ključnim informacijama o svakom preduzeću, kao što su informacije o kapitalu, broju zaposlenih i prirodi posla kojim se bave, kao i imena i adrese rukovodećih ljudi.

Ovim se uvodi do sada nezabilježen nivo transparentnosti u

poslovnom sektoru u BiH. Banke također žele znati ove informacije kako bi mogle odlučiti o tome hoće li preduzeću dati zajmove i kredite.

Druga preduzeća također žele znati ove informacije kako bi mogla odlučiti da li je pametno poslovati s nekim preduzećem. Potrošači žele znati ove informacije tako da, u slučaju da preduzeće ne pruži odgovarajući kvalitet za plaćeni proizvod ili uslugu, potrošač jasno zna ko je za to odgovoran i gdje može kontaktirati s preduzećem.

Iskoristiti šanse

Ovo je praktična reforma čiji je cilj osigurati efikasniji poslovni sektor u BiH, a efikasnija poslovna klima potiče otvaranje novih radnih mjesta, dok veća stopa zapošljavanja znači bolji životni standard.

Novi sistem registracije preduzeća imat će pozitivne rezultate za preduzeća i potrošače od samog početka njegovog funkcioniranja. Njime se uvodi novi nivo transparentnosti i efikasnosti u cjelokupni poslovni sektor i sada je važno da ulagači, banke, potrošači i preduzeća iskoriste nove šanse koje im ovaj sistem pruža.

Sada je zadatak da ova nova transparentnost što prije bude iskorištena za otvaranje novih preduzeća, za novo poduzetništvo i nova radna mjesta.

Stop za kriminalce

Novim sistemom spriječit će se situacija da preduzeća koja rade s fiktivne adrese jednostavno nestanu kada stvari krenu pogrešnim smjerom. Na ovaj način kriminalci neće moći tako jednostavno kori-

stiti preduzeća za pranje novca, a preduzećima koja posluju koristeći se nepoštenim metodama postat će nemoguće da prezentiraju lažne tvrdnje o radu, zaposlenicima ili sredstvima.